

明清史

料

丁編

第八本

明清史料目錄

丁編第八本

七百零一至八百葉

平西王冊稿

七〇二

兵部殘題本

七四一

偏沅巡撫周召南題本

七〇三

宗人府題本

七四三

平西親王吳三桂密奏殘葉

七〇六

兩淮巡鹽御史裘充美題本

七四四

吏科都給事中姚延啓題本

七〇七

康熙二十三年戶部開洋設關原案

七四五

平西親王吳三桂密奏本

七〇八

貴州巡撫慕天顏題本

七四七

平西親王吳三桂密奏殘本

七一

康熙年間諭禮部檔

七四九

鰲拜等罪案殘件

七一二

康熙三十三年戶部禁止商人在外國造船帶

明季後裔朱光輔謀反殘件

七一二

軍器案

七五

浙江巡撫范承謨題本

七一二

吏部尙書熊賜履等殘題本

七五

川湖總督蔡毓榮題本

七二三

山西總兵官康調元題本

七六一

平西親王吳三桂密奏本

七二四

兵部等衙門尙書凱音布等密題本

七六三

兵部殘題本

七二七

禮部儀制清吏司致內閣典籍廳移會殘件

七六五

平西親王吳三桂密奏本

七二九

和碩康親王椿泰等奏本

七六七

西洋人費隱等奉旨往四川等九省畫地理圖

散葉

七六

朱一貴謀反殘件

七三

戶部尙書穆和倫等題本

七六

朱一貴謀反殘件

七七

康熙五十六年兵部禁止南洋原案

七四

臺灣事件殘檔

七六

禁止私帶糧米出海貿易散葉

七五

刪減重複冊籍散葉

七七

內閣大學士馬齊等奏本

七〇

內閣大學士馬齊等奏本

七一

給撫遠大將軍王胤禎勅書稿

七二

給平逆將軍顏信勅書稿

七三

大將軍王胤禎題稿

七四

內閣大學士馬齊等奏本

七六

大學士李光地等奏本

七九

禁止出洋貿易散葉

七〇

管理蘇州織造兼兩淮巡鹽御史李煦題本

九一

明清史料

丁編第八本

七百零一至八百葉

平西王冊稿

奉天承運皇帝制曰朕聞有一代應運之君必有一代翊運之臣結以腹心共襄大業是以尊賢用能崇功尚德乃國家之大典乘機邁會達變通權乃明哲之芳踪朕登大寶特倣古制視諸臣功德差等授以冊印俾榮及前人福流後嗣咨爾平西伯吳三桂洞識天時當默勒根王統兵西征之際爾卽擒流賊說士遣官歸命軍前迨王師式臨蚤以開關迎入又隨默勒根王破賊兵數十萬底定中原大功茂著宜膺延世之賞永堅帶礪之盟順治元年十月十三日授以冊印封爲平西王世襲罔替後領兵在陝西階州地方殺僞秦□朱生福僞定遠侯趙榮貴併賊七千有餘獲僞定遠侯印一顆僞總兵官印十顆遣官兵至碧魚口殺賊兵三百餘名擒斬僞總兵官王應選富平縣延安府等州縣美園等處地方殺僞經略王永強高友才僞總兵官副將參將遊擊郭玉麟等官五百四十名併賊二萬六百有餘獲僞定國將軍印一顆僞印十一顆攻剋山陝二省五十八城遣官兵在同官縣臨縣等處地方殺僞經略平四僞總兵官副將參將遊擊等官二十六名併賊兵五千五百有餘獲印六顆延安府府谷縣招降僞總兵官二名僞道一名僞副將一名併兵六百名今特授金冊金印仍封爲平西王王其益勵忠勤屏藩王室欽哉無斁順治八年九月初八日

後領兵入川時嘉定州有賊總兵官龍名揚領兵千餘迎犯遂用梅勒章京代都驍章京巴克勇等爲前部督戰敗之斬賊七百餘衆生擒僞總兵官龍名揚斬之四川邊境官員並烏思藏國大乘法王大寶法王等衆行文招服又四川

三州十六縣行文招服在保寧駐劄時首賊孫可旺標下有僞撫南王劉文秀率馬步兵五萬有餘渡江帶砲牌鳥鎗來犯擊殺賊四萬有餘生擒僞將軍王復臣總兵官姚之貞等二百餘員斬之獲撫南王金印及象三隻馬騾二千三百有餘因親身督戰勦滅大寇勤勞行間故以原俸又加一千兩所有功勳添入冊內順治十四年五月十九日

後收復重慶水陸□兵賊衆逃去重慶頓歸版籍□復遵義招撫僞總兵郭李愛等及官兵家口五千有餘得獲象三隻馬五百餘匹併盔甲器械又官兵合力堵剿保全重慶又招撫僞興寧伯王興等及官兵家口七千餘員名口獲馬騾三百餘匹頭並繳僞勅印劄投誠開復雲南追剿僞鞏昌王白文選等獲象五隻馬一百餘匹大兵自滇進發剿殺僞總兵王國勳等活擒賊十一名太監一名獲象三隻馬一百八十四匹僞鞏昌王金印一顆孔雀尾傘一把銷金龍傘一把開復永昌府騰越州又招撫僞侯狄三品等計擒逆王馮雙禮並帶官兵二千有奇家口四千有奇投誠招撫僞伯□□恩等率領官兵二千餘名投誠僞□山侯王會帶領官□□千餘員名併繳僞印防勅諭劄投誠開復川南永寧招降僞總兵官陳希賢等帶官兵家口一千四百餘員名口開復迤西招撫投誠僞文職張佐宸等一百五十餘員僞武職曹延生等五十餘員攻取元江勦殺元江逆首那松等活擒僞將軍高應鳳等獲僞關防一顆招撫僞國公沐天波子沐忠顯等并家口投誠又勦殺僞將軍那倫等獲馬二百餘匹招撫僞公安伯李如碧等各帶家口官兵共六千六百餘員名口馬一千九百六十餘匹僞金銀銅印防共十六顆僞勅劄共二百三十六張僞將軍楊武帶領□兵共三千四百餘員名家口共七千五百餘名口馬一千□百八十四匹象四隻□繳僞印防四顆僞勅劄六十九張僞遊擊胡國才等帶兵四百餘名僞印防一十四顆投誠僞副將孫崇雅等兵丁八百餘名家口七百餘名口投誠僞懷

仁侯吳子聖等帶領官兵七百六十餘員名家口九百六十餘名口馬二百三十餘匹偽印防八顆偽勅二張投誠偽陽武伯廖魚帶領官兵六百九十餘員名家口六百九十餘名口馬一百五十餘匹偽印防六顆偽勅割八十八張投誠偽淮國公馬寶偽敕國公馬惟興偽漢陽王馬進忠子馬自德等帶領官兵四千五百五十餘員名家口一萬一千七百五十餘名口馬一千四百四十餘匹偽印防三十五顆偽勅割七十餘張金冊二冊誠明宗朱金鏤偽皇親王國璽等偽金寶銅銀印防十二顆偽勅割十九張偽永曆密勅一幅費繳投誠偽總兵王然李景瑜等帶領官兵九百餘員名家口八百餘名口偽關防一顆偽割七十張投誠招撫土舍那杰等偽印一顆象一隻偽總兵何起龍等帶領官兵小子共七百三十餘員名口馬一百二十四匹偽防六顆偽諭六張投誠偽咸陽侯祁三昇偽孟津伯魏勇等帶領官兵家口共七千九百餘員名口馬一千三百四十餘匹象三隻金銀銅偽印防十二顆偽勅諭割八十九張投誠撥遣官兵勦殺馬乃擒獲元兇龍口兆等偽司李維賓等帶兵口名小口十三名馬九匹投誠偽副將丁仲柳等帶領官兵家口共五百餘員名口偽印防四顆偽諭一張馬五十六匹象一隻投誠王鎮守秦蜀綏輯滇黔撫順勦逆茂著勦勞偽永曆以明室遺孽煽集黨羽妄稱尊號竊據一隅歷年以來屢煩王師征勦疆圉弗寧今王奉命統領滿漢大兵出邊進討於順治十八年十二月內追勦直抵緬甸擒獲偽永曆及其眷屬又降偽鞏昌王白文選併偽官全軍此皆王殫忠奮力運籌謀略調度有方以致國威遠播逆孽蕩平功莫大焉宜加殊禮以示眷酬是用進封爲親王錫之金冊金寶王其益勵忠勤屏藩王室欽哉無斃康熙元年六月三十日

偏沅巡撫周召南題本（封面缺）

欽差巡撫偏沅等處地方兼理糧餉都察院右副都御史臣周召南謹題爲異孽欺鄰造釁逞兇越境殺人懇乞法殲究抵以正名分以肅王章事案照康熙元年二月初十日臣准兵部咨該本部覆偏沅巡撫袁廓宇密題前事等因順治十八年十月十五日題十一月十九日奉旨該部議奏欽此欽遵於本月十九日密封到部該本部案查得本年三月內本部覆偏沅巡撫袁廓宇異孽欺鄰等事一疏內議永順保靖二土司地連山寇今挾仇構難防禦宜周請勅該督撫嚴加隄備仍行戒諭二土司各守疆域不得私相仇計取各遵依併查明承襲事宜具題奉旨咨行去後今據巡撫袁廓宇疏稱二土司以小忿成仇傳諭多次仍恃冥頑欲遂穴門等因查二土司地界川黔山賊未靖豈容土司稱兵開隙仍請勅該督檄令鎮將倍加隄備至土司彭肇桓彭鼎該督撫再行嚴加切責各安疆界修睦世好果有不平事情聽地方官質審若再頑梗不悛互相仇殺定行重加懲處仍速取遵依報部以憑再議等因順治十八年十二月初二日題本月初四日奉旨是依議行欽此欽遵密封到部擬合就行爲此備咨前來煩爲查照本部密覆奉旨內事理欽遵施行等因准此隨該臣細加切責牌行二土司內開捧讀天語切責不盡爲二司懼又不盡爲二司惜也禍福之關亦甚大矣曾不亦較量於其間乎今以細民一夫一婦之事或一言一語之失頓忘爵土之重世誼之好而必欲爭雄於一旦或相構怨或相仇虐甚至忘身及親而有所不顧此果何爲哉以民耶不宜以一民而禍及萬民以言耶不宜虛言而招實禍況以世守之榮而冒顛危之險以不平之氣而戾先人之德窺之天理王□統如此其不可而悍然不顧其情也哉或兩土司已相和好而有司尙未報與則當就部文而急投甘結抑兩土司本欲和好而忿不相上

下與則當凜遵天語而幡然改圖本院將樂觀二司之謙冲而深加二司之禮讓也夫禮讓以廉靜守以恬退深以囂競壞也倘二土司不以恬退自守禮讓自居而奮然不平不顧禍福利害是二土司以一朝之忿忘身及親自取禍也禍福無不自己求之者本院將奈之何哉惟執朝廷之法而已矣可不慎與爲此仰該土司官真誠息忿永相和好以固藩籬養敦厚之氣造和平之福忘一朝之忿重親戚之誼世守爵土光前裕後奠安生民傾心效順克盡職守甚勿自蹈乖張以取罪戾文到十日內查明的確情形各具和息印結報院以憑題報施行於本年二月十二日徑牌行永順保靖二土司並守巡湖北兩道檄令轉行又一票同前事仰分守湖北道即將發去勸解土司一牌該道查明的確情形實加解和勿以虛文抵塞倘二土司原無深仇而反別滋事端亦或深相仇謀而悠忽坐視致誤事機妄生邊釁關係匪輕並察二司起釁孰是孰非孰願和孰不願和或原無不和之處或實有不和之心該道必詳出臆切之語有以傾倒該土司之心方見實心任事甚勿違誤虛應故事統限半月內回報以憑題覆施行等因去後隨據兩土司及該道疊文回報臣屢行嚴飭婉諭尙未有實心和好遵依臣前於本年七月二十六日備敍一疏題明在案今於康熙元年九月初二日據分守湖北道吳嵩胤呈詳前事歷敍奉旨嚴加切責併各督撫屢行牌諭冗長未便全敍以煩宸聰謹摘該道詳稱康熙元年六月初一日奉臣批據本道呈詳前由奉批據詳該道面會辰鎮著遊擊張邦節前往自屬老成之見刑官王孫麟新任未久就中情事尙未痛悉果否堪往作速詳議速報繳奉此該本道察得刑官原係先經承行衙門又經本道抄發從前案卷堪以前往緣由奉批既經該道再三查議前來務須酌議妥確於應審之地預先移會二土司明悉俾其一會片語折服庶不負該道之委及本官之稱其使命甚勿多事致生事端繳又經知照去

後本年八月初八日奉總督部院批該本道詳同前事緣由奉批此案前據該道稟稱或鎮道親往或差職官守提本部院已據詳具題矣今議刑官王孫麟遊擊張邦節先往卽應如詳速行何得又行詳請致滋耽延干咎仍候偏院批行繳奉此察得本道詳議差官之初恐兩司不解就裏一面遴委正員一面察有醫官孫希賢係兩司故官舊交商同辰鎮齋劉先往明告以文武各官前去之意總爲和息起見別無他端再不應則鎮道親往自四月二十八日去後兩司果有稟至求文武差官暫緩其行徐容商議孫希賢往返二司凡三越月又鎮道不時手諭永順司出有乾淨和結稿先呈道驗後於八月初六日孫希賢回稟稱文啓忠已經超薦彭一魁訪覓不出保靖司選老成舍把彭應祥和共男婦六口送與永順以作抵口業於七月初六日兩土司舍把敵血定盟並取有永順司回文爲仰遵檄諭息釁歸和懇電案鳴以彌煩擾事呈稱竊照本司負不平之冤與保靖角訟者兩載乃上經之於九重下取煩於當軸稽延積案以致多時疊蒙嚴檄諄諄切責歸和本司仰體德意焉敢再有倔強而取不睦之責今該差官責備保靖出送抵口俟和息後另將原人抵換因而本司只得依領抵口俟後抵換方擇於本月初六日已與保靖舍把和息矣但本司之勉強者蓋恐欽件逾限且奉諭有公道在人斷不抹煞之示是以遵依和釋毋乃畏功令遵嚴法云爾倘保靖照依公剖事理則從此永斷葛藤如或以爲既結之案不退戶口付之不遵於時上煩下擾勢必有之又不得不預鳴之於今日也等因又據該司齋結爲遵依事內稱竊照保靖造釁積案漫無歸結今奉各部院臺諄嚴化誨該本司仰遵德意釋此私忿勉圖聯絡報効以勤王事中間並無冒結等情并申在案又據保靖司回文爲申聞和息事案照職司之與永順各因私忿不平互相構訐業近二載屢奉各部院司道鎮奉旨委官勸和未有成議茲復奉分守湖北道同辰常

總鎮府專差辰州府醫學官孫希賢臨歷二司備傳督撫奉旨德意諄切詳諭今二司俱各仰遵輸服已於七月初六日吉時各差舍把三員會於地名南渭洲信坪適中地方經同差官對神歃血立誓會盟和好隨於盟場各另差有舍把彼此俱交往問安永順差親舍彭元懋把總向楚英田法井到職職司差親舍彭玉柱把總許國祥陳萬忠往永順俱循照舊禮款待齋發給訖但二司自此之和好如故得以唇齒相依同心戮力共勤王事者實仰賴仁臺之恩卽咸賴督撫各部院之恩與浩蕩靡涯之皇仁耳卑職盡此有生之日何一非捐軀圖報之日乎川有各存誓書相應抄呈以憑會覆除另文申報偏院外合就呈報等因據此該本道看得永保兩司世諸秦晉聯絡守土以膺爵寵非一日矣乃以小忿致搆大釁事經二載上瀆宸聰差使之役不絕勸導之文已盡終不輸服本道法無可施因有鎮道親臨之稟復奉本院詳示宜先差文武官各一員前往復有遊擊張邦節刑官王孫麟之請又恐驟去至彼驚疑一面先行明明告諭彼果懷德畏威言歸於好歃血盟誓在今親者無失其爲親息爭心而守邊土在此舉也雖永順司詳中尙有候換抵口之說然結中釋私忿□勤王事已見急公欽案實可題結異日彭一魁若果自保靖察出仍令交與永順取還抵口則親誼益篤斯謂兩有禮也所有取到兩司實心和好甘結合就呈繳又抄錄兩司盟書一併另齎等因到臣該臣看得永順保靖二土司處在川黔之界切近施州鄰寇乃以小忿致相仇讎者兩載竊恐釀成邊釁實切隱憂臣奉皇綸嚴行切責備極天理人情之至與禍福利害之關不啻數次申誠屢據中覆稍知醒悟而仍未有實心和結故先准督臣會商議以鎮道臨邊排解臣復議以先差文武職員講和業委辰常鎮標遊擊張邦節辰刑官王孫麟前往已經臣於前七月二十六日具疏題明計蒙睿鑒矣今該土司聞有文武臨邊乘先差醫官孫希賢之傳示而各幡

然悔悟於本年七月初六日各差舍把於適中南渭洲歃血盟誓釋去私忿永歸和好出具實心甘結而彼此間安交
接以禮矢志協和以勤王事此皆仰仗皇上天威遐暢俾其懷德畏威有以致之也除將兩土司和結及抄錄盟書并
錄該道全詳咨部查考外臣謹會同督臣張長庚撫臣劉兆麒合詞具題伏乞皇上勅部覆核施行臣未敢擅便謹題
請旨康熙元年九月十八日巡撫偏沅等處地方兼理糧餉都察院右副都御史臣周召南

（The main body of the page contains several columns of extremely faint, illegible vertical text, likely bleed-through from the reverse side of the document. The text is too light to transcribe accurately.)

平西親王吳三桂密奏殘葉（史書）

平西親□臣□桂謹密□□邊蠻情形事□康熙元年八月初六日臣具有遠人慕化等事一奏疏內據邊報緬
酋差頭目二人來木邦監督南管土目□合□□合□□三宣上司赴木邦投見臣揣此舉非真令衍合做官總係
緬酋怨恨衍□□大兵進緬之故定有一番狡計等因密□□康熙元年十二月二十日據騰越副將李世耀
啓稱爲地方彝□□二月初八日據□守天馬漢龍關把總丁勝報稱小的前奉信票偵□□南管土官衍合果被
緬兵圍殺合衍合率領妹夫衍保侄□□□將出來奔至關外小的卽親身將衍合等九名接至關□□□來
該職耀當堂細問據衍合供稱自平西王班師後小□阿瓦王子阿瓦王子差蟒相二員挈袍子緬布賞與小□舊
木邦土官不是好人小的是好人既奉平西王許你木邦地方住□亦與住坐你可將舊木邦土官解來好好招撫百
姓說了許多好話□□月十九日纔移過木邦住坐未經二月倏于十一月十四日寅時緬兵四千餘名圍住木邦城
喊殺連天又聽得好些銃响小的只得同□夫衍保侄衍□百姓六名砍將出來奔至天馬漢龍關外□□□至
關外救了□九名命其小的兄弟妻子未知生死下落乞望做主據此職耀欲□衍□□□□省城又因衍合等
脚俱走傷難行或俟衍合休息少愈解□省城或將衍合如何安置等情啓報到臣據此到臣看得向報緬酋差人監
督衍合□官臣逆知其詐今果鳩兵謀誅衍合矣惟是衍合招怨之端實由導引大兵入緬之故雖事在邊外然因□
稱兵釀釁□知緬酋梗化之心除申飭邊防嚴行偵禦并調衍合赴省安置外臣謹會同督臣卞三化合詞馳報爲本
專差蝦董重民郭世英齎捧謹具奏聞右□奏聞康熙元年十□□二十八日密奏奉旨兵部議奏

吏科都給事中姚延啓題本（殘冊葉）

吏科都給事中臣姚延啓謹題爲請禁木籠之設以恤監犯以廣皇仁事臣伏見皇上軫念囹圄疾苦特允臺臣所請令刑部提牢司官管理一月方行更換欲其盡心布置雖堯舜好生之仁何以加焉竊思在內監犯蒙朝廷德意而在外囚獄之苦多有不忍見聞者恐皇上之恩澤未必能遠布也臣聞各處獄中舊設有桎牀每夜囚犯上桎手足俱不得動遂有眼被鼠剜身遭蟲嚙者後因奉旨禁止近聞江南浙江地方有等獄卒又創爲木籠之制形如箱籠上下分爲數層囚入此籠外加鎖閉屈伸不得其便溺俱在一處天時炎熱其居下層者穢氣薰蒸最爲苦楚儘有極輕罪犯獄卒要錢亦驅而納之籠中無異地獄遇有疾病垢惡難堪層層忍穢以致瘟疫傳染監犯多報病故伏乞勅下部議行在外刑獄之官將木籠禁革不用其緊要人犯嚴加錄扭不得濫設非常之刑違者治以重罪則普天率土皆戴皇仁矣伏候勅部議覆施行爲此具本謹題請旨康熙三年五月十七日題本月二十二日奉旨據奏江南浙江地方有等獄卒創爲木籠以致獄犯穢苦難堪等語獄犯止宜嚴加扭鎖防範豈可創設非常刑具以滋苛虐著嚴議具奏刑部知道

